

VENDIM
Nr. 28, datë 18.1.2017

PËR DISA NDRYSHIME DHE SHITESA NË VENDIMIN NR.612, DATË 5.9.2012, TË KËSHILLIT TË MINISTRAVE, "PËR DISPOZITAT ZBATUESE TË LIGJIT "PËR AKCIZAT"', TË NDRYSHUAR

Në mbështetje të nenit 100 të Kushtetutës dhe të neneve 108 e 109, të ligjit nr.61/2012, "Për akcizat në Republikën e Shqipërisë", me propozimin e ministrit të Financave, Këshilli i Ministrave

VENDOSI:

Në vendimin nr.612, datë 5.9.2012, të Këshillit të Ministrave, të ndryshuar, bëhen këto ndryshime dhe shtesa:

1. Në nenin 43 bëhen ndryshimet e mëposhtme:

a) Paragrafi i dytë, i nënndarjes "iii", të shkronjës "ç", të pikës 2, ndryshohet, si më poshtë vijon:

"iii. Karta teknologjike sipas teknologjisë përkatëse dhe e verifikuar nga autoriteti kompetent doganor."

b) Në pikën 3, shkronjat "a" dhe "b", ndryshohen, si më poshtë:

"a) Sasia e lëndëve djegëse të konsumuara për produktet e prodhuara dhe të shitura me fatura tatimore me TVSH, llogaritet jo më shumë se normativat bazuar në kartën teknologjike sipas industrisë si dhe normativave bazuar në aneksin 10, "Tabela referuese e normativave të harxhimit të lëndës djegëse". Vlera e akcizës së rimbursueshme nuk do të jetë më shumë se 50% e akcizës së paguar për blerjet e kryera të lëndës djegëse të përdorur për nevoja teknologjike sipas përcaktimeve në ligj dhe në këtë dispozitë.

b) Sasia e lëndëve djegëse produkte të akcizës solar dhe mazut, të prodhuara nga vetë rafineria dhe të konsumuara brenda rafinerisë për përpunimin e produkteve ose të nënprodukteve të akcizës, rimbursohet për akcizën e paguar në masën 100%, me kusht që konsumi i këtyre lëndëve djegëse të jetë sipas sasive faktike të konsumuara, por jo përtej kartës teknologjike."

c) Në pikën 5, të nenit 43, pas fjalëve "...brenda datës 10 të muajit pasardhës..." shtohen fjalët "...ose të muajit pasardhës të tremujorit të cilit i përkasin blerjet..."

ç) Pika 7 e nenit 43 ndryshon me këtë përmbajtje:

"7. Autoriteti doganor nëse pas verifikimit të dokumentacionit të paraqitur, si dhe bazuar në kriteret e analizës së riskut, gjykon të nevojshme të verifikojë situatën në vend dhe/ose të ushtrojë kontroll, atëherë kjo procedurë kryhet përpara miratimit të rimbursimit. Në këtë rast kjo procedurë nuk mund të zgjasë më shumë se 30 (tridhjetë) ditë nga momenti i paraqitjes së kërkesës për rimbursim. Drejtoria e Përgjithshme e Doganave harton një udhëzim të përbashkët mbi elementët e riskut për këto raste.

Në rast të kundërt, brenda 10 (dhjetë) ditësh, miraton ose refuzon rimbursimin e kërkuar, bazuar në kriteret e përcaktuara më sipër dhe kontrolli në vend kryhet sipas planifikimit ose procedurave të autoritetit doganor edhe pas kryerjes së rimbursimit të akcizës."

2. Në nenin 44 bëhen këto ndryshime:

a) Në pikën 1, hiqet përcaktimi "Nr.9876, datë 14.2.2008".

b) Pika 3 ndryshohet, si më poshtë:

"3. Për efekte fiskale përqindja e pranuar e mishelimit nuk mund të jetë mbi 5% përmbajtje BIO për çdo lloj nënprodukti naftë."

c) Pas pikës 3 shtohen pikat 4 dhe 5, me këtë përmbajtje:

"4. Përqindja maksimale e lejuar për efekt të rimbursimit të akcizës për praninë e përbërësve BIO në karburant sipas standardeve EN: 590 për gazoilin ose EN: 228 për benzinën, përkatësisht është jo më shumë se 5 (pesë) për qind. Rimbursimi aplikohet vetëm për produktet e biokarburantit që mishelohen në territorin shqiptar.

5. Kushtet që duhet të plotësohen për qëllime të zbatimit të këtij neni, përpara se të miratohet rimbursimi janë, si më poshtë:

a) Biokarburanti për të cilin është kërkuar rimbursimi duhet të përdoret si lëndë djegëse në sektorin e transportit.

b) Rimbursimi i akcizës përfitohet në masën e përmbajtjes faktike, por jo më shumë se 5 % të produktit BIO në përmbajtjen e biokarburantit të deklaruar për konsum, pasi ky fakt të jetë konfirmuar nga laboratorit kimik doganor dhe pas verifikimit nga autoriteti doganor."

3. Në nenin 46 bëhen këto ndryshime:

a) Në pikën 9, shprehja "...një herë në muaj..." zëvendësohet me "...çdo muaj ose çdo tremujor..."

b) Pika 10 ndryshon, si më poshtë:

"10. Autoritetet doganore kompetente, gjatë shqyrtimit të kërkesës për rimbursim të akcizës, kur e gjykojnë të nevojshme kryejnë, gjithashtu, veprimet e mëposhtme:

a) Krahasonen të dhënat e deklaruara me rezultatet e laboratorit doganor;

b) Kryhet kontroll në vend dhe verifikohen lëndet e para, sasitë e prodhuara dhe sasitë e shitura sipas faturave të shitjes së produktit biokarburant, inventarin, pasqyrat financiare si dhe cdo dokumentacion tjetër të nevojshëm.

Kur vlerësohet nga autoriteti doganor, referuar qëllimit të përdorimit të biokarburantit për përdorim në transport kryhen, gjithashtu, edhe verifikimet në zinxhirin e transaksioneve të shitjes deri tek shitja për konsum;

c) Nëse është e nevojshme, procedura e verifikimit ose e kontrollit në vend kryhet në bashkëpunim me autoritetin tatimor të juridiksionit përkatës.

Kur kryhen verifikimet e mësipërme, procedura nuk mund të zgjasë më shumë se 30 (tridhjetë) ditë nga momenti i paraqitjes së kërkesës për rimbursim.

Në rast të kundërt, brenda 10 (dhjetë) ditësh, autoriteti doganor miraton ose refuzon rimbursimin e kërkuar, bazuar në kriteret e përcaktuara më sipër dhe kontrolli në vend kryhet sipas planifikimit ose të procedurave të autoritetit doganor edhe pas kryerjes së rimbursimit të akcizës."

4. Në nenin 48/1 bëhen ndryshimet e mëposhtme:

a) Pas fjalëve "...magazinë fiskale stokimi..." shtohen ".../magazinë doganore..."

b) Pas fjalëve "...magazinë fiskale..." shtohet "... /doganore..."

c) Pas fjalëve "...depozituesi i miratuar..." shtohet ".../ importuesi..."

ç) Pika 2 ndryshohet, si më poshtë:

"2. Vendosja e pullave të akcizës në ambientet e magazinave fiskale të stokimit/ magazinave doganore kryhet sipas kërkesës së operatorëve dhe në prezencë të autoriteteve doganore mbikëqyrëse. Depozituesi i miratuar/administratori i magazinës doganore duhet të depozitojë një kërkesë, me shkrim, pranë zyrës doganore mbikëqyrëse, të paktën 48 orë përpara fillimit të vendosjes së pullave të akcizës, për sigurimin e pranisë së autoriteteve doganore gjatë procesit të vendosjes së pullave. Procesi i vendosjes së pullave të akcizës, në çdo rast, fillon pas sigurimit të prezencës së autoriteteve doganore."

d) Pas pikës 6 shtohet pika 7, me këtë përmbajtje:

"7. Në rastet e funksionimit të sistemeve on-line të monitorimit me kamera pranë magazinave fiskale të stokimit/doganore, mbikëqyrja e procesit të vendosjes së pullave të mundësohet edhe në distancë duke bërë regjistrimin përkatës të procesit."

5. Në nenin 96/1 bëhen ndryshimet e mëposhtme:

a) Pika 1 ndryshohet, si më poshtë:

"1. Produktet energjetike sipas aneksit 24, që i bashkëlidhet këtij vendimi, të cilat importohen (hidhen për qarkullim të lirë) ose blihen pranë magazinave fiskale të prodhimit brenda vendit dhe që kanë destinacion mbajtjen (magazinimin) e tyre nën pezullim të detyrimeve të akcizës me qëllim lëvizjen e mëvonshme drejt pikave të shitjes me shumicë/pakicë, futen në një magazinë fiskale stokimi."

b) Në pikën 3 shtohet shkronja "e", me përmbajtjen e mëposhtme:

"e) Për lëvizjen nga importi të produkteve me detyrime akcize të paguara drejt pikave të shitjes me shumicë/pakicë - DAV importi për hedhje në qarkullim të lirë me akcizë të paguar."

c) Në pikën 5 përcaktimi "...në pikën 2 të këtij neni..." zëvendësohet me "...në pikën 3 të këtij neni..."

ç) Pas pikës 8, shtohen pikat 9 dhe 10, me përmbajtjen e mëposhtme:

"9. Për qëllime mbikëqyrjeje dhe kontrolli, subjektet e akcizës që tregtojnë produktet e kategorisë E500, gaz për përdorim për mjete motorike, brenda datës 31.1.2017 duhet të vetëdeklarojnë dhe të dorëzojnë pranë Drejtorisë së Përgjithshme të Doganave inventarin gjendje të datës 31.12.2016. Një kopje e këtij inventari duhet të dorëzohet në adresë të degës doganore territorialisht kompetente. Autoritetet doganore, në cdo rast, kryejnë verifikimet e nevojshme.

10. Pikat e tregimit me shumicë të produkteve të kategorisë E500, gaz për përdorim për mjete motorike, brenda datës 10 të çdo muaji, depozitojnë pranë degës doganore territorialisht kompetente, regjistrin e shitjeve ku kanë të pasqyruar të dhëna mbi blerësin dhe sasitë e shitura."

6. Në aneksin 10, "Tabela referuese e disa normativave të harxhimit të lëndës djegëse" tabela e tretë

“Industria”, zëvendësohet me tabelën që i bashkëlidhet këtij vendimi.

7. Në aneksin 24, shtohen kategoritë e produkteve E500, si më poshtë:

Kategoria	Përshkrimi	Kodi NK
E500	Gazet e naftës dhe hidrokarbure të tjera gazoike për përdorim si lëndë djegëse për motor automjesh.	27111211
		27111219
		27111291
		27111293
		27111294
		27111297
		27111310
		27111330
		27111391
		27111397
		27111400

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Niko Peleshi

“Industria”

Nr.	Aktiviteti	Proceset teknologjike		Sasia e lëndëve djegëse për njësi të produktit final	
			Gazoil D1 ose D2	Solar ose mazut	Koks Naftë
1	Prodhim tullash dhe tjegullash me pjekje termike. Etj	Ngrohje tharje dhe pjekje të tullave dhe tjegullave		Sipas kartës teknologjike jo më shumë se 4-kg, solar për 1-kv produkt final	Sipas kartës teknologjike
2	Prodhim çimento			Sipas kartës teknologjike	Sipas kartës teknologjike
3	Riciklim i plastikës, qelqit dhe të përzier			Sipas kartës teknologjike	
4	Prodhim barnash		Sipas kartës teknologjike	Sipas kartës teknologjike	
5	Rafineri	Përpunim i naftës bruto		Sipas kartës teknologjike	

